



Teške i lakše tjelesne povrede

Dana 09.11.2021.godine u 19,30 sati, policijski službenici Prve PU lišili su slobode lice H.M., rođen 1999.godine u Sarajevu, gdje je i nastanjen, zbog postojanja osnova sumnje da je počinio krivično djelo iz člana 172. stav 3. KZ F BiH (Teška tjelesna ozljeda). Isti je pomenutog dana u 16,27 sati, prilikom saobraćajne nezgode u ulici Višegradska, općina Stari Grad Sarajevo, iz vatrenog oružja nanio tjelsene povrede licu J.L. iz Sarajeva. Povrijeđenom je ljekarska pomoć ukazana od strane ekipe Zavoda za hitnu medicinsku pomoć Kantona Sarajevo, a potom u UKC u Sarajevu, gdje su od strane ljekara konstatovane teške tjelesne povrede i na Klinici za ortopediju i traumatologiju je zadržan na daljem liječenju. Također lica V.M. i I.M. su zadobila lakše tjelesne povrede nanesene od strane A.K. i E.H. kiji su ispitani u svojstvu osumnjičenih, zbog postojanja osnova sumnje da su počinili krivično djelo iz člana 173. stav 1. KZ F BiH (Lakša tjelesna ozljeda). Od lica H.M. je uz uredno izdatu potvrdu oduzet pištolj marke “GLOCK” i oružni list. O navedenom je obaviješten dežurni tužilac Kantonalnog tužilaštva Kantona Sarajevo. Uviđaj na mjestu događaja obavili su policijski službenici Uprave policije MUP-a Kantona Sarajevo, koji nastavljaju rad na rasvjetljavanju i dokumentovanju pomenutih krivičnih djela.

10.11.2021